

古 洮 陽

狄道州續志

卷十二  
之十二





狄道州續志卷十一

藝文志

奏建修昭忠祠摺節錄

左宗棠 總督

奏為南路歷年陣亡文武官弁人等擬請在於狄道城中捐修祠宇由地方官春秋致祭以彰忠盡而順輿情事竊據統帥領定西等軍前福建藩司王德榜稟稱同治十年冬奉檄委辦營務率領親軍營及良輔宗岳等營馳赴前敵會同諸軍渡洮進剿克復邊家灣等處賊巢大小堡壘共數百座轉戰數十次所向克捷皆賴各將士舍生用命不避矢石今生者已邀懋賞而力戰陣亡之士未忍聽其掩抑不彰追念同治十一年春業經

狄道州續志

卷十一

奏疏

一

查明親軍營及良輔宗岳等營並提督傅先宗所部歷戰陣亡各將士與夫狄道殉難文武官紳共二千九百八十七名均係為國捐軀深堪弔憫現擬於狄道州城中創建昭忠祠一所分別次敘以傳先宗為正祀其餘文武員弁兵勇均立牌位為陪祀請飭地方官春秋致祀以妥忠魂等情詳請具奏前來臣覆核無異合無仰懇

天恩准將攻剿狄道州回逆陣亡已得議卹之提督傅先宗並續次陣亡之良輔宗岳等營以及被害官紳人等一併准入捐建新祠由該地方官春秋致祭以彰忠魂而順輿情伏乞

聖鑒訓示勅部核辦施行謹奏茲於光緒元年二月十一日齎回





原摺後開軍機大臣奉

旨着照所請

奏續辦狄河善後摺

節錄

陶模總督  
董福祥提督

奏爲續辦狄河逸匪並拆毀回民拱拜禁革掌教名目以靖地方事竊臣等前派道員張成基副都統奇克伸佈率同總兵馬安良等馳赴河州查獲逸匪馬如彪等六十餘名先後訊明正法並諭飭殷實回民捐資助賑於本年正月二十八日恭摺奏明在案續據張成基等稟報掣獲馬榮卽菓園滿拉等三十餘名均係著名首要疊次圍城破堡燒燬民房殘害多人之犯仍督同署河州知州楊增新隨時訊明正法謹具清單恭呈

狄道州續志

卷十一

奏疏

二

御覽臣等伏查狄河回民習其教者向有四大門宦之稱曰穆提曰華寺曰白庄曰紅門此外又有畢家場張門之屬皆自爲教以始傳教者之子孫世世爲掌教又各於其始傳教者之基所立廟作亭於其塚上名曰拱拜與他處禮拜寺又有不同掌教者既世傳其教其眾皆世世奉之歲時有饋喪有告出入必請命以行遇有飲食皆爭食其餘以爲幸途中或望其去遠猶掬其塵土頂禮者久之其愚至於如此由是掌教者舞其姦詐始則貪利繼則無所不爲而亂端起矣諸門宦之中以穆扶提華寺爲尤盛穆扶提則馬維翰掌之而華寺之中又分爲老教新教老教則馬永琳掌之新教則馬如彪掌之華寺之拱拜在



河州之八坊而穆扶提之拱拜則在狄道皆碧瓦朱甍地道數頃華寺之拱拜創於前明尤爲僭侈前年馬永琳起事卽自燬其拱拜之門誣爲漢民所燬激變其眾而馬維翰之眾應之至今漢民猶爲切齒馬如彪卽於上年十二月伏誅而前年歸入河州馬永琳先經正法馬維翰尙在漏網本年二月因查辦逸匪亦數其罪而誅之平毀其拱拜穆扶提之教以絕而華寺之拱拜如故當諭以設立掌教之非而華寺拱拜爲此次肇亂之階尤不可以不毀因飭馬安良馬伏保馬福祿等督率回眾自行拆毀已於四月底一律平毀淨盡據張成基等稟報前來臣等覆查無異臣模當飭地方官遴選公正回民爲其眾所素信服者立爲鄉約由官給諭承允以資表率凡回民誦經須入禮拜寺不准誦習別經並不准於拱拜中禮拜違者惟該鄉約是問掌教之名一概禁革並由臣等會銜撰就簡明告示分飭各屬曉諭遵辦冀回民從此各安本分不致再爲邪說所述

照會狄道州

張成基道臺奇克伸佈都統

照得狄道逆回倡亂圍城破堡荼毒漢民實由臨洮回教主馬維翰暨馬萬良馬七哇等爲之肇衅助惡茲已於本年二月十三十五等日將該逆等三名拿獲正法其教主馬維翰祖孫相繼倡亂罪大惡極一死不足蔽辜宜乘該逆旣經正法教民震攝之時從重嚴辦以爲倡亂者儆厥將來應請貴州會同所派



回隊馳赴該逆家中將其拱拜平毀並將該逆家產地畝房屋約據及所存款項器物一切逐一查剿趕卽具冊移報前來一面督同公正紳士卽將此叛業全數充作狄道書院膏火經費並請出示將該教嚴行禁止不准再立門戶其狄道張門教主拱拜亦一律平毀嚴禁不准再立教主以泯後患

札狄道州

會 龢 藩臺

案照三月二十七日奉董帥派令差官押送已誅穆扶提教主馬維翰之弟馬維障到省經本司當堂訊問供稱此次回籍情願率其教下之人全數反教永爲漢民誠恐該州回眾阻撓懇請作主飭州出示等情據此本司查狄河回患實惟門宦多端

狄道州續志

卷十一

照會

四

今馬維障旣願舍其所教率眾爲漢應且予以自新以觀後效該州可卽剴切出示曉諭凡穆扶提教內回眾均准反教歸漢永爲良民不准抗違別教回眾亦不得煽惑阻止如敢不遵立卽拿辦馬維障等率眾具結到州察實毋訛並可將前剿馬維翰家產酌量賞還以資養贍合行由五百里粘用排單札飭

札狄道州

會 龢

案奉督憲陶札開據狄道州軍功馬維障稟稱爲懇恩賞回原籍并求格外保全事竊軍功胞兄馬維翰被人誣陷身正典刑家遭籍沒蒙督憲法外施恩准酌留地畝以資軍功家口養贍并准將軍功同族地畝免其充公其餘教下地畝各安生業不



准漢人奪佔各在案軍功老幼感激涕零卽教下人等亦莫不歡欣鼓舞各喜更生軍功因恐馬安良等隊伍及其教下再來搶擄殺害業經據實泣懇已蒙督憲及董帥派隊護送軍功眷口進省并許在西甯擇地安插軍功得此恩施理應靜候曷敢再瀆惟軍功探聞西甯地畝皆已有人認墾無處可以安插再事遲延秋田亦必誤種不如仍回葑臺故庄暫就酌留之地畝耕種但軍功家口眾多不敷食用軍功業已率領教下情愿返漢自與叛回有別所有軍功地土可否賞還俾資餬口倘蒙恩准軍功情愿撥出地畝壹百垧歸與狄道書院納租以符前次充公之議尤有請者軍功一家旣蒙督憲卵翼更生軍功安分

狄道州續志

卷十一 札文

五

務農自無再行加罪之禮惟懼河回頭目意圖并教或再私派隊伍或主使教下之人仍來劫殺以爲除根之計可憐軍功老幼數十口必至呼天無路擬求督憲預爲飭下河州轉諭河回頭目遵照軍功回籍之後不准由伊等私行擅殺則軍功一家餘生并同族人等存歿皆頂感仁恩再造於生生世世矣等情到本督部堂據此除批現在狄河逸匪業已查辦完竣其餘概從寬免許其自新該軍功稟請仍回狄道故里應卽照准所有管業地畝除照請撥出壹百垧歸狄道書院招佃納租作爲公費外餘均一律賞還以資耕作此後應安守本分不得再有教門名目由地方官隨時保護他處回族自不得相殘也



嚴禁招住回民示碑

聯瑛州牧

出示曉諭嚴禁事案據紳士苟維藩劉乾張應銘商民岳學增沈殿元邊崇厚等稟稱爲懇請調查舊案禁招回民以符定章而清盜源事緣

做邑

同治亂後前制府左文襄公

奏定善後章程洮河以東不准回民居住案存蘭州府房及州戶房各等情當卽批候先傳城中各店戶到案訊取切結然後出示曉諭並飭巡警局嚴密稽查至招賊各店戶理應懲辦以警其餘此批旋卽諭飭巡警局總辦周照章嚴辦所有城關招居回民及各店所用回火房一切驅逐淨盡並取各店戶及各房主所具若再用回火房招居回民除願甘重辦外並將房屋

狄道州續志

卷十一

碑記

六

充公甘結在案爲此示仰洮東紳商軍民人等一體周知嗣後如再有敢違

憲章招用回民貽害地方者定卽照章嚴懲並將招回房屋一概充公以警頑錮再本州查閱歷來城關盜竊發覺案卷多由奸民招回所致雖經前各任屢次嚴禁而故轍仍蹈若非嚴定規則永懸厲禁誠不足以昭定章而垂久遠除此照章嚴辦外並諭飭紳商軍民人等按照

憲章及所定規則一併勒諸貞珉垂戒將來切切特示

宣統元年二月中浣泐石

碑建州署忠愛堂西



重修超然書院碑記

吳鎮

東去狄道城二里許爲嶽麓山山之麓有臺三面壁立而其上如砥登之則臨川百里瞭若指掌洮水滌洄宛在足下故謂之超然臺臺之名由來久矣而創立學舍濬發山靈使超然之名大著則自椒山楊公始方公之尉吾狄也退食之暇挂笏於斯臺而異之因建超然書院於其上而延洮士誦讀其中迨公去旋以直諫死而此臺遂爲公祠矣臺旣攬一郡之勝而祠之規模復與之埒其上爲道統祠乃公自建以祀堯舜禹湯文武周公者也其次則公祠塑像其內而以雙忠祠配食雙忠者兌溪張公蘭谷鄒公也昔爲木主今皆塑像其下有講堂學舍約大小三十餘間踵事增華繼者益盛余嘗遊謁保定白河諸祠而其土木碑碣猶未及超然臺之鉅麗也桐鄉遺愛識者忘歸不其然歟顧歷年旣久風雨蝕而鼠雀耗戶牖牆垣不無損壞過者傷之昨年癸丑賢刺史田公慨然發願倡興此役而閩州紳衿士庶翕然從之共捐銀六百兩徹底重修者揖見亭十楹三省齋四勿齋共十楹講堂前牌坊昔一間今三間翻瓦者大殿兩廊廡祠路牌坊道統祠地磚又恩貢生李尙賢於揖見亭屏扇書前明進士張兌溪超然臺書院記於其上庶來謁者一覽此文而當日端委如在目前矣至齋舍牌坊匾額悉仍其舊是役也工起於癸丑夏五月告竣於冬十月物料價值匠作工食



悉照民間並無虧短其堅固當倍於別工也至田公敦請管工者十二人而食宿山上督理者生員竇世德監生孫承統工書趙朝贊此人尤爲勞心云餘皆輪流其飲饌均皆自備迨功起而超然之勝益著登是臺者丹心浩氣足以立懦而廉頑豈徒流連古跡供騷人之憑弔也哉抑余更有慨焉者昔公之建書院也蓋嘗典衣賣馬鬻孺人之釵釧以置學田誠欲使狄之人士世世絃誦於斯臺而不屑以鐵面剛腸感後學而求報祀也今桃李雍容之地幸不爲狂飈叫嘯之區修公之祠而更成公之志不能無望於當道之賢人君子

重修超然書院記

中州人 胡季堂 前甘肅按察司

狄道州續志

卷十一

碑記

八

超然書院有明椒山楊公謫狄道時捐俸所治也其地距城一里許舊名超然臺俗傳爲老子飛昇之所公建書院於上卽以其名名之意其地爽塏學者可以曠觀而遊於物之外耶抑必向往前哲超然特立而不爲流俗所囿耶日聚生徒講學其中又典張夫人釵釧置田若干畝爲諸生膏火資洮之士至今賴之他如開煤窰便民炊爨引洮水利民灌溉去浮糧清積弊其善政不可謂不多然在狄道不過期年耳而所爲乃若是嘗見古之士大夫當其措筭巖廊未嘗不思樹立以表見於世一經挫折頽然放曠多怨望悲憤卽幸而起用率又緘默苟容以視公之不以升沈榮辱動其心不以生死禍福易其操孤忠報國



抗疏排奸其爲人賢不肖何如也獨怪當時旣以馬市敗露嘉公先見而始擢之使盡行其言授以國柄自能以治狄道者治天下其所樹立當不啻此奈之何言未用而禍至徒使狄道一區獨受其福此閭閻士庶所爲且喜且悲流連慨想唏噓不禁者耳公去狄道士民於西門外立祠以崇祀之嗣後患於洮水遷公像於書院講堂之後今幾二百年狄道縣改爲州州之人猶稱爲楊夫子嗚呼公之德澤可謂遠矣己丑夏金子冲南來牧是地訪公治績詣書院見其傾頽捐俸修葺士民感欣爭先恐後不日落成秋九月予因公過狄道聞而深嘉之夫修書院所以興學也興學莫要於尊師尊師然後民知敬學金子冲南狄道州續志卷十一碑記九

爲之記

建修岳麓山石路碑記

邑人

魏宗諫

候銓訓導

帝出乎震震東方也東方生氣常新帝之靈應不爽故歲時必祀誕降必祝疾疫必禱凡持瓣香而敬禮者無虛日數年以來廟貌雖次第鼎新而山徑由來險隘且屬土壤之區偶值陰雨卽成汗泥雖有謝公屐亦苦於無所用登涉者恆憚焉歲在癸



卯余與魏子文德爰有修砌山門臺級之舉同社諸公從而助之工竣之餘輒有廣開方便路之想仍謀之同人或以工大力綿不克勝任爲辭者余曰有志者事竟成亦爲之而已矣愚公尙可以移山吾儕獨不能葺路乎同人聞而壯之皆樂於將伯之助由是廣募於眾輦石運甃得尺則砌其尺得丈則砌其丈經營三載始就厥工將見石路無塵履道坦坦凡持瓣香而來往者不必乘輦乘撬自可拾級而登矣歲秋八月告成功於秦岳欲勒之瑣珉以垂久遠客有從而詰余者曰子之爲是役也殫厥心勞厥力以成茲厥工是誠目前無量之功德而與人爲善之至意也然善始貴乎善終善作必須善成苟不爲後來計

狄道州續志

卷十一

碑記

十

恐不數年而雨水衝激土崩石解將三載之功廢於一旦不能不爲之慮也余曰天下事獨力難勝眾擎易舉余一人何能有爲茲役也倡之者魏子文德也助之者同社諸公也余豈敢沒人之功以爲己力乎且人之於善誰不如我我旣引人以向上之路而謂人能已乎自今以往則凡開方便之路以作目前功德者必能嗣而葺之令其有基勿壞矣何慮焉客聞余言而稱善因磨片石記之

狄道州城隍祭田碑

傅秉鑒

蘭州知府

狄道城北五十里葉家坪有墓世傳爲祁城隍祁梁兩姓祭田  
乾隆三十年丁未春梅暑牧樹南程令德音爲之丈田議租



妥定章程將泐之瑱珉以垂久遠惟城隍之稱不知其所由來按舊志臨洮府尹金有祁望祁福元有祁安祁公哥朶只皆以土人世襲安則福之孫公哥朶只則安之子也安墓在狄北葉家坪檢查貢生祁開泰民人祁希賢等原稟以爲墓則望而祭田則安所置傳聞雖有異詞然閱數百年而敬之式之且相與神之則其爲人亦概可想見矣每慨古人懿行殊績載在史乘不數傳而人往風微好古者詢其遺跡訪其後裔故老無稱徒增感喟然則斯墓之巍然常新未始不賴數十畝之田維繫以至今日也夫人卽不能作名宦稱鄉賢然聞鄉賢名宦之名則未嘗不欣而慕之若并其祭田而不知保護者是其自命復居

狄道州續志

卷十一

碑記

十一

何等也案旣詳定擬於王署牧肇基捐廉刻石爰綴數語以誌緣起並有章程條例存案

重修毘盧閣記

吳鎮

普覺寺之東偏有毘盧閣焉乃明潘海虞先生之所題也上塑臥佛及神靈羽衛頗極詫異迨詳睇由來諸天雨泣四眾悲哀當是世尊垂涅槃之遺教不知者遂以爲睡佛耳閣久而圯信士魏肇文馬雲騰等募化新之迄今法像清癯嗒然就枕更不煩阿菟樓馱觀察眾心而白其無疑矣善哉善哉斯閣與普覺寺全工以乾隆戊申三月起己酉九月止修閣之外復建詩偈各二坊又鑄鐘一口募化之不足者肇文騰雲分任之寺之工



於是始完也

上營沈氏祖塋碑

吳鎮

蘭之南狄之北有名山焉曰馬啣馬啣者以其形似二馬之啣  
轡故有大石馬小石馬之稱其實卽古之空同也山之麓有村  
落曰上營及下營蓋勝國時蘭衛分屯之所今田田宅宅化刁  
斗爲鋤耨其遺跡不可攷矣營泉甘而土肥居民星羅棋布至  
於桑麻相望廬舍比連有聚族二百餘家而歷年至四百餘載  
者則首推百戶之沈氏沈氏者其先浙江臺州府甯海縣人也  
始祖武章公明初以軍功授江南蘇州府吳縣指揮後從肅莊  
王徙襲蘭州中衛指揮世管五營遂成土著今上營之大墟雙

狄道州續志

卷十一

碑記

十一

塚巋然卽公與其長子之佳城也相傳公精醫兼能畫意其文  
采風流有足多者然而河山誓改譜牒無存凡子孫所記憶僅  
得生平之髣髴耳惜哉公有子四人孫數人以次相傳世爲百  
戶後有七世孫名貴者至 國初順治二年曾襲世職旣而遵  
例汰裁沈氏遂爲編戶矣然後人世守祖業亦無播遷而蕩析  
者公墓久不治會今年夏有廩生嶧者卽貴公之七世孫也奉  
其父叔之遺命與族人永安守齊秉德等公議修塋兼求墓誌  
余因爲述其大略將使過馬啣者知荒煙蔓草中亦有個儻之  
偉人詎不快哉五營一帶舊屬蘭州後歸狄道今本州冊籍猶  
存百戶之里名百戶者沈百戶也



松花菴詩序

牛真谷

余宦遊西陲十年從余遊者一時材雋百數十人其學爲時文而庶乎至吾之所至者秦安吳澄一人而已顧不肯爲詩而其爲詩而能學吾之所學者則於臨洮吳鎮又得一人焉鎮爲詩不自從余始而自從余詩益工其所以論詩者日益進鎮之言曰古期漢魏近體期盛唐合而衷諸三百篇師其意不師其體唐以後蔑如也鎮誠狂者哉然其用意亦健矣鎮爲詩常薄近代詩人爲不足學而猶知肩隨其師卽余於此亦爲之三十餘年矣抑不自知其至乎未也每檢箚集思欲出所有以請正當世顧余行老矣不能復在弟子之列而鎮氣盛才銳斐然有詩

狄道州續志

卷十一

序

三

六七十首諸門人知鎮者悉刻之鎮不辭余亦不能禁也然則當世如有詩人覩鎮之詩而余之爲詩與其所以論詩者可知也記曰觀其器而知其工之巧余姑以鎮先焉鎮詩一出吾知必有譽且笑者而皆可爲鎮知己而砥礪鎮余亦得藉以自鏡也不亦善乎鎮年十二能作詩年二十六學於余年三十能焚詩今之存者皆鎮所自焚及余爲焚之之餘也刻旣成鎮又有請欲焚者余姑命留以俟後之人是或古人求別裁而能自得師之一道耶蓋空山堂刻詩之難如此

三百株梨花吟館詩文弁言

牛樹梅

前四川按察司

余少時耳熟陸秀三先生名臨洮詩人也緣慳晤教及余客蜀



中文孫賢一太守宦於滇每以事來川歲壬申攜先生詩文二冊見示蓋得自友人者命代授手民余快讀之見其學問淵博天才橫溢每一命筆輒有萬斛源泉不擇地湧出之勢雖引用間有誤處亦有失平處然千金白壁固不以蠅汗爲玷也惟原冊係隨手錄錯雜已甚較正偶疏刊板已就仍不無未愜之處先生著作必富此特其偶存者然灰劫之餘尙留二冊於他境此亦燭光劍氣不能盡沒於人間者也

文母陳孺人墓誌銘

吳鎮

庠生文汝箴葬其母陳孺人逾一紀矣近乃磨礱墓石而求余誌及銘且曰先孺人苦節凡不肖怍怍於中者他人莫能言也

狄道州續志

卷十一

誌銘

西

願及公尙健而慰亡母於重泉余感而諾之因誌其大略焉孺人系出名門夙嫻姆教甫及笄適文翁牧菴必謙鹿車旣挽相敬如賓而孝事雙親尤能盡禮後牧菴捐館時孺人年三十六矣而孤子銘方小弱卽汝箴也餘二幼女及家中數口皆嗷嗷待哺其勢孔棘孺人則健持門戶左支右絀凡其殯葬舅姑而婚嫁子女者靡不周至然艱難亦備歷矣旣而汝箴遵母訓讀書游泮親友議爲孺人具呈請旌第以寡居時年過三旬格於例不果然至今鄉里率皆稱文節婦云嗟乎士君子砥行立名尙有早暮况巾幗乎夫伯姬侍姆於衰年敬姜論勞於晚歲古賢媛之卓然不朽者祇取其德耳才耳苦節耳有功於宗祏後



嗣耳豈必盡桃李之芳春然後標松筠之勁節哉孺人卒年七十三歲計栢舟矢志者復三十七年汝箴後膺鄉飲僎賓孫國幹州庠生嘗從予遊以某年月日葬孺人於北郊祖塋銘曰北郊之塚草離離上有疏桐挺孫枝孤鶉吟兮我心悲

上營任氏始祖墓誌銘

吳鎮

北距州城九十里有村落焉襟空同而帶好水是曰上營上營者蓋明代蘭衛兵屯之所今改歸狄道化壁壘而爲桑麻其景象非復昔矣營宅幽而面阻土著者約數百餘家而任姓之後人實居其半往者經歷任君公輔及其弟太學生佐輔皆予友也每言其始祖墓在大墟欲求爲誌而予馳逐宦場雖許之而

狄道州續志

卷十一

誌銘

五

未就迄今中心抱歉者計三十年會今年六月有八世孫永歌正諳正山玉富暨九世孫楨杞桂等始能展墓礱石余乃爲之誌蓋舉三百年之荒榛宿草一旦而廓清之且先河後海原委了然從此佳城鬱鬱過大墟者皆知爲任氏之首邱矣而子孫拜掃倍切贍依其有功於先人後裔非淺鮮也惜乎始祖以下皆名字弗詳今可指者惟是昭穆之五代伯仲之七支而已銘曰柳林之谷好水洋洋居人繡錯廬舍相望上營大墟任氏發祥魚鱗塚簇馬鬣封長蟬聯五世蔓衍七房瑱珉既立奕葉彌昌彥升窳窳乃近東陽千秋此地金石流光

雲南廣羅總兵王永臣神道碑贊

宋

肇

江甯  
巡撫



嶺臺山側洮珠澤垠含精蘊秀篤生偉人封侯骨相上將星辰  
幼而膂力長乃沈雄虱心貫射龍蛇劍風五花八陣奇略在胸  
蠶爾三桂僞帥時申恢復隴右擗塞超阮空中叱咤一軍皆驚  
單騎追賊勇奪甲裳臨洮夜過月晦女牆兔食臥草叫喊狂張  
公矢天日民免懼惶弓鳴辟厯馬影肅霜礮子傷脰翎刀劍創  
一生百戰所向仆僵猶子從殉精忠報

國面色猶生罵賊舌咋一死茅蘆尤爲悲暗五百疲卒四千勁敵  
蛾賊虺催濺衣碧血祀祠昭忠一門雙節箕尾韜輝大將易簣  
慘淡雲旂功銘竹帛

帝心簡在

狄道州續志

卷十一

贊

六

詔獎茂功

恩荷榮祿曩屢碣崇忠武之境驃騎之塚位置其間孰能輕重四  
世

綸絲千秋俎豆我作贊辭鬼神護守

擬陸士衡上張壯武牋

吳鎮

機再拜明公閣下竊機承祖父之勳少典牙門將軍水龍東鷺  
蒙聖主拔諸荻蒲實出望外入洛以來卽知公博物洽聞古今  
無比兼之虛懷吐握延攬孤寒夫延平之劍特頑鐵耳一經賞  
識遂騰紫氣於斗牛况機固江東人面者獨無踊躍之心哉舍  
弟雲賦性疏狂人厭其笑蒙公以片席接之遂與日下鳴鶴同



作千秋佳話此猶石鼓無聲待公而始鳴也今海內昇平夔龍  
接踵盈滿之戒公自知之然雲閣棲遲鷓鴣已賦靜以待之靡  
不善矣機有文賦樂府凡若干首俟黃耳攜至當獻諸公機再  
拜

致吳松崖書

袁枚

文人之生於世也天必媒之使相悅介之使相通亦不知其所  
以然而然也僕與先生年俱老矣相隔之路亦甚遠矣以常情  
測之無幾相見無信可通此必然之勢也不意前歲遼州王栢  
厓來作少尉讀其詩驚衙宦中有屈宋問其淵源云得宗師於  
先生因此又得讀先生之詩新妙奇警奪人目光因憶生平編

狄道州續志

卷十一

牋

七

纂詩話十五省中獨甘肅無詩如國風之遺吳越心常缺然忽  
得先生以補之豈非周亞夫之兵從天而下哉聲應氣求天之  
所相非偶然也栢厓近又以尊札及全集見示如飢十日而得  
大牢窮晝夜舖啜之而不能卽休焉所指誤刻之字都已剗改  
虞美人詩亦已補全惟所云新刻三詩人之詩只寄有二張而  
無許鐵堂想封信時偶爾遺失耶又大集中見星樹蓉裳兩弟  
子俱得廁名其後誠何幸也但未知蓉裳現官何方有信一函  
望爲交付又尊作有送星樹旋里詩何至今猶未歸來耶便中  
並希示知蒙賜阿遲黏絨兩縷謝謝

答袁簡齋書

吳鎮



暮春之杪忽接瑤章萬里神交恍如覲面再披栢屋手札知杖履優游興復不淺益爲之所慰也承惠駢體古文及遊山尺牘各種隨風咳唾皆成珠玉諷誦之餘覺雲氣花香飛來紙上佩服佩服除夕告存詩自嘲自譽亦狂亦達將來屬和成編豈非千秋佳話哉僕少讀二氏之書頗費鑽研但今年七十二矣而晝夜之道總未了然捧讀瑤章不覺怦怦心動敬和十章兼呈三稿以備推敲見大敵怯而自以爲惑理固然也惟高明嚴加去取改存三四首足矣憶生當並世而把晤仍難白首相望未知明年各作何狀似此書隔歲而始一達意者天或憐吾二贅而更留不盡之桑榆乎蓉裳現任靈州知州寄書已到指日當

狄道州續志

卷十一

書

六

有回音星樹久與周方伯同赴安徽乃於明師處杳無音問殊可異也尚此佈候起居兼詢阿遲學業及韻友霞裳雅况霞裳若有報章僕當遙賦停雲不必形容之入夢也臨穎情思惘惘與雁信俱南至於千秋事業則尺牘不能盡矣

烏鼠同穴辨

吳鎮

按烏鼠同穴是一山而四字名者禹貢導山條內西傾朱圉烏鼠此舉偏名蓋與西傾朱圉列舉不得不摘二字名之也導水條內導渭自烏鼠同穴此舉全名蓋單言烏鼠同穴則可以備舉四字名也孔氏尙書傳曰烏鼠共爲雌雄張氏地里志不相訛其所以註烏鼠異也其所以註烏鼠同穴則一也爾雅烏



鼠同穴其鳥名鷦其鼠名鼯山海經西山經有鳥鼠同穴之山郭璞註二書皆云鳥常在外鼠常在內共穴而居故山以是得名又有鳥大鼠小之說通志首陽西南有鳥鼠同穴山渭水所出今臨洮渭源縣卽漢首陽其地有鳥鼠同穴山凡此皆經文傳記可證可據者然則鳥鼠同穴之爲一山明矣而或者必欲別而二之以鳥鼠與同穴爲兩山不惟使此山一山兩名且使渭水一水兩出不亦鑿而無據乎爲此說者其亦少見多怪以爲四字不可名山也然則岍岐皆山王屋底柱皆山而鳥鼠同穴豈非一山歟變而推之則職方氏之醫無閭春秋傳之華不注以及山海經之鎔于毋逢猗天蘇門皆不可以爲山國語之

狄道州續志

卷十一

辨

九

雲連徒洲山海經之思士不妻思女不夫皆不可以爲國爲藪而必析之爲二離之爲三然後可耶故鳥鼠同穴之可一而不可二也昭昭矣然或稱鳥鼠同穴或稱鳥鼠而必不可單稱同穴者此又何以故也蓋言鳥鼠則同穴之義見言同穴則鳥鼠之義不見

河神祠古柳

吳鎮

河神祠廟枕洮涯古柳參差閱歲華不逐灰塵經浩劫尙搖風雨動虛沙陰濃曾覆莊生釣漂泊難隨漢使槎昨向西傾山下過枝枝交影半龍蛇

畫閣臨川阻大堤永甯橋下草萋萋十圍古柳何年植三疊陽



關幾客題嘆鶴吟猿聲斷續裁雲鏤月影高低一眠直與乾坤  
老陶令歸來且杖藜

謁楊忠愍公祠

楊芳燦 知州

老屋談經處窮荒謫宦人風霆千古淚桃李一臺春直道原無  
枉名儒信有真精思通律呂碩學蘊經綸正色寒奸魄危言犯  
逆鱗封章涕泣上邊事慷慨陳賈誼雖才子朱雲信小臣始聞  
收杜眾旋見逐崔駟官只紆黃綬心常戀紫宸殷勤羅俊彥悃  
款撫疲民俗化羌兒悍名側漢吏循遺編搜竹素荒徑翦荆榛  
絕徼文壇起卑曹宦橐貧金闈典釵釧槐市盛冠巾曰父名何  
愧兼師誼更親三年終被召百里競攀輪互市言方驗還朝氣

狄道州續志

卷十一

詩

三

益振鳳鳴愁落窳蛇膽笑逡巡西苑尊仙醮東樓秉國鈞彼奸  
逾杞檜公節自松筠白簡飛霜雪青燈泣鬼神法先誅內賊力  
欲肆宮隣對簿詞猶壯捐軀志未伸丹心懸皎日浩氣貫秋旻  
此地曾遺愛鄉賢仰後塵門牆恢故址俎豆薦明禋爵最前僚  
案鄒張舊主賓儀型瞻泰華氣象感星辰嶽麓生蘭芷洮溪發  
藻蘋超然殘碣在大節共嶙峋

北河楊忠愍祠

吳鎮

北河衰柳亂鴉曉鳴鳳場中日又西昔我家山曾放逐在公鄉  
里亦酸嘶忠魂五夜依蘭谷國史千秋失兌溪瞻拜轉殷桑梓  
望超然臺下草萋萋



黃鶴樓

吳鎮

江城風月總如斯，尚有仙樓占古碑。  
黃鶴倦看人醉酒，青蓮應笑我題詩。  
十洲花謝雲空返，三戶煙消水不知。  
惆悵秦關何處是，憑欄多在日斜時。

客至

前人

行人下馬拂征袍，十載鄉心寄楚醪。  
正是菰蒲煙雨好，滄浪亭上話臨洮。

武昌九日

前人

秋色感緜袍，無心醉楚醪。  
一官真作客，九日負登高。  
白髮循梳短，黃花入夢勞。  
江雲橫落照，何處是臨洮。

狄道州續志

卷十一

詩

三

我憶臨洮好十首

吳鎮

我憶臨洮好，春光滿十分。  
牡丹開徑尺，鸚鵡過成羣。  
渙渙西川水，悠悠北嶺雲。  
劇憐三月後，賽社日紛紛。

我憶臨洮好，真於盛夏宜。  
南山驚積雪，北戶怯涼颼。  
簫鼓官神集，鶯花仕女知。  
柳陰閒把酒，揮扇是威儀。

我憶臨洮好，秋天爽氣新。  
牛羊皆可酪，蠅蚋不勞噴。  
毛褐裁衣厚，明醅釀酒醅。  
東籬殘菊在，西望更愁人。

我憶臨洮好，三冬足自誇。  
冰鱗穿鱖鯉，野味買麋麇。  
靄靄人如日，飄飄雪似花。  
年來青禾賤，到處酒能賒。

我憶臨洮好，山川似畫圖。  
高崗真產玉，寒水舊流珠。  
雲影迷雙



鶴濤聲落萬鳧日歸歸未得三徑日榛蕪

我憶臨洮好州如太古問譽髦感郡伯野老話椒山花繡摩雲  
嶺冰開積石關壯猷辛與李搔首鬢毛斑

我憶臨洮好詩家授受真高岑皆幕客白賀是鄉人山水今無  
恙文章舊有神二張珠玉在後起更嶙峋

我憶臨洮好流連古蹟賒蓮開山五瓣珠濺水三叉蹀躞胭脂  
馬闌干苜蓿花永甯橋下過鞭影蘸明霞

我憶臨洮好靈蹤足勝遊石船藏水面玉井瀉峰頭多雨山皆  
潤長豐歲不愁花兒饒比興番女亦風流

我憶臨洮好城南碧水來崖飛高石出峽斷鎖林開靜夜魚龍

狄道州續志

卷十一 詩

三

喜清秋虎豹哀何時歸別墅雞黍酸新醅

臨川閣和握之弟 集古

吳鎮

雲葉掩山樓清泉枕翠流醉魚沈遠岫喧鳥覆春洲開徑望三  
益披林對一邱落花催斗酒憶爾共淹留

秋水閣落成偕諸友登覽有作 集古

前人

微道臨河幽秋窗向月開密雲屯似蓋流水倒成雷願逐琴高  
戲仍徵畢卓杯山明望松雪白鶴一雙來

曉風樓 集古

前人

珠簾新上鈎作賦且登樓猿嘯風還急鳥鳴山更幽市中傾別  
酒天際識歸舟白日迴清景彌欣執燭遊



鄉思 集唐

前人

繚繞洮河出古關依然松下屋三間他鄉就我生春色卻恨鶯聲似故山

秋水閣

李尙德

高閣俯清流憑虛結構雅登臨覽萬象秋色正瀟灑山古排丹屏雲晴橫綠野况復鯉魚風冷然來柳下詩翁吳沅州東海當酒學秋水名茲閣蒙莊意如寫百川漲兩岸不可辨牛馬河伯每自多誰爲望洋者

曉風樓

前人

既上秋水閣復登曉風樓樓當楊柳岸葉葉風颼颼此景亦常

狄道州續志

卷十一

詩

三

有所愛臨清流西山多爽氣况落闌干頭荇藻跳紫鱗煙波翻白鷗余亦偕諸友題詩共倡酬酒醒懷柳七斯人已荒邱誰爲殘月句復使女郎謳

曉風樓

田錫齡

幽谷光初顯高樓望不窮客來城市外僧梵水雲中數點蓼花雨幾絲楊葉風屯田今已往殘月尙橫空

曉風樓歌

王者蘭

州舉人

曉風樓上殘月裏浪花飛濺窗櫺紙絲絲古柳翠參天無數遊人朝憩此昨夜今飈送早涼水光澄澈山光紫不知詞客幾登樓但見西傾送流水洮河北去水悠悠隴樹秦雲秋萬里女郎



莫唱雨淋鈴楊柳岸邊風色起

渡渭思親

張晉郡人知縣

源從鳥鼠來去家剛百里欲寄思親淚恨無倒流水

迎神曲

前人

桃花吹風杏花雨山口春入古廟宇石爐突突香煙舉  
鐘紛歌舞巫嬖婆娑唱神來土壁龍蛇眼欲開紙錢燒紅飛蝶  
灰精靈無樂不能回初祝螟蟲化爲水大家再祝旱魃死懸懸  
拜跪三祝已田熟牛肥疾病止獻神羊酬神酒送神神歸神保  
佑白馬金袍神康壽年年與我好麥豆

五烈井

前人

狄道州續志卷十一 詩

五

冬十一月戎馬來黑雲壓萋萋不開角聲歛破癭陶城陰風夜  
嘯秋魂哀吾宗烈士星辰氣睢陽之孫果而毅青衫罵賊吐虹  
霓頭顱能敵王侯貴閨中笄髮亦可憐姑攜其婦投清泉一門  
五烈古所少河岳在地日在天鶻唳殘月荒山冷血寒留得長  
松影丈夫七尺無肺肝豈可輕率過此井

題椒山祠書寄渭源崔生承泰

邑人陸芝田舉人蒲城教諭

椒山祠屋鳳凰臺鳴鳳何年羽翼回落盡桐華幽竹闕無人知  
是鳳雛哀

地震宏農上帝哀華山半入地中埋秋墳大鳥唳楊葉曾哭關  
西夫子來



金鎖風香赴市曹吟詩響遏碧雲高天王明聖微臣罪莫比龍  
逢與鹿毛

丙午重陽日同張晚亭行竹齋游東山 前人

丙午重陽前二日老友憫我心摧頽手挈壺漿裹甘餌勸我攜  
杖登山來車出城東建安門麓山照眼青崔巍山僧種樹骨已  
朽華表高出榆柳槐細泉隱現走蒲葦藪底鳴咽百澗洄孔伋  
中庸載華嶽河西曰嶽麓山隈或云空同五之一登場小麥牟  
與稌今年閏五剪黑錯穀苗乏雨眠黃埃隴左飢雀啄犢背輓  
盧碾地聲幽哀舍車而徒步山上白雪高頂明皚皚大石當路  
獅象踞山蹊險仄行紆徊道人遠從海南至坐話紫竹青蓮臺

狄道州續志

卷十一

詩

三

遠行看海大魚黑休矣且飲村中醅椒山祠屋在絕頂當時五  
十集英才羲軒周孔浩氣在恭拜畫像鬢髮鬚長城自壞古亦  
有宋宣社屋安在哉鸞嵩鑄鐵跪階下夏曾窺忿誰能排宵人  
覆國何足道可惜污我青莓臺躡雲梯下月池淺斷續野菊生  
根荻一石墮空響絕壑隱隱谷底聞奔雷草樹千色變黃紫深  
處每竄蛇與虺策杖再進足履蹶枯藤蔽徑橋柱摧前村拂拂  
風刺骨晚飯炊竈光熾熒微月出嶺照人膝回看塔影高颿梳  
怪鳥唬谷暗山鬼有時呻啞如嬰孩慄然覓車尋舊跡歸路小  
犬鳴金鉞稚子候門倦欲寢高城醮鼓瑟瑟催

戊戌重陽日鳳臺登高

陸芝田



鳳德何如比鳳毛蕭蕭落木下亭皋更無風雨仍成節自有山川此亦高先帝大行心每泣舊人漸少首空搔夕陽西下雙蝴蝶故傍寒花繞數遭

先友王渭占名夢熊同謁楊椒山道統祠有志聖學死而

惜之爲賦此篇

狄道白石戎秦穆開僵畎由余百里奚論道小戎僕秦祖孔子徒仲舒繼絕跼繩繩至橫渠聖言繼昭闡椒山謫狄道論學自青宛始立道統祠羲孔勤拜展兌溪海虞子斯道衛忠蹇我後三百年德行希高選老友王渭占蚤歲嗜經典猿臂六鈞弓巧射動英盼不學萬人敵喜用一儒顯志道歷年所深心敦實踐

狄道州續志

卷十一

詩

三

溫溫君子容積健漸柔輒我學童塾中忘年義豐腴欲以珉石姿瑠瑤琢友瑚璉當時曰徵君講易精理遺彭張黃與余鴻範有推演禮容論小戴樂律窮大衍我才學詩賦於道未至善聲病吳沅州律呂防錯舛未能轉流俗苦爲流俗轉去家離師友射策赴京輦君爲敬老母時節饋珍饈四千里燕秦贈策跋驢蹇負笈十上書來往足生齒生齒不足言儒官苦俯俛蒲賦增什五上狀列奏讞本欲甦飢氓蠹吏志除剪高明鬼闕室戶祝代庖爨附會終陸沈得罪乃弗免歸來不見君墳樹蔭臺薛一罇過車酬感喟淚頻泣令弟念昔交老境同舒卷琴道失螻蟬碁劫鬪茗薜臺居二妙間夔以一足跣二君復我棄痼疾乏盧扁



友難狂士狂親悔鮮民鮮况今八旬年十步九潛喘追思吾先  
友肺腑箴籀篆命義嚴隄防王霸啟關鍵作詩誌吾舊履道有  
深淺世方飾正學隊長敢好辯

舟具六首

張晉

檣

若非有紀綱胡能適中正尙賴此維持四方惟所命居重而善  
馭慎勿失其柄殷勤謝篙師告我以為政

帆

君不見先人巽出乃可繼然而吾道行誰能去其勢羽翼所當  
求惟正始克濟中心默念之登舟如涉世

狄道州續志

卷十一

詩

七

櫓

得時易施行貴乎善其後輕重苟非宜流失不可救大人處亨  
利有權慎左右致遠無所泥長季問操守

舵

茫茫何所從得其要則善若不滯於物達人知通變順逆爭毫  
髮轉移有先見宰輔讓三老時乎能隨便

楫

前路非不長所恃能扶進一手豁而通導之從其濬無忘汲引  
功安然達乎順直哉鼓柁人可以托賢俊

戩



進而不能退猶賴繫於此物必得所歸敬之安汝止坎艮有天  
常其中會深理處順貴知時虛心拜舟子

避賊十歌 明末時作

前人

險崖半夜亂山黑高天星月無顏色野狐衝人奪深窟左纏莢  
黎右叢棘丈夫可憐太跼踖家園咫尺望不得嗚呼一歌兮歌  
聲愁唧唧山蟲滿耳秋

血口淋淋哭我父前年新葬東郊土陰寒泉下溼衣裳魂招不  
來旌旗處有兒逃難臥窮谷何時始得上墳墓嗚呼二歌兮歌  
難成孝烏向我正哀鳴

有母有母素康強倏忽驚憂白髮長扶入窶穴絕煙火五日忍  
狄道州續志 卷十一 詩 三

餓飲蕨漿骨酸肉瘦夜呻吟我心痛之不可當嗚呼三歌兮歌  
聲起旁人爲我塞兩耳

書厨書厨皆典要千軸萬籤付荒草我寢食此已十春一旦委  
棄不忍道男兒苦欲待時清只恐時清年不少嗚呼四歌兮歌  
聲長我歌豈肯忘先王

高人高人父之執長騎白駒甘遺逸我欽隱德矢追隨朝夕稟  
仰先民則那堪相失向青山生死無人傳消息嗚呼五歌兮歌  
聲闌聲聲黃鳥嘯春殘

老劔古紫霜雪鋒腰下閃閃青芙蓉迴身舞罷星文裂深山魑  
魅不能凶亂來隨我無他物死生與爾誓相從嗚呼六歌兮歌



聲壯僕僮勸我少惆悵

兩弟兩弟癡何求解拾橡栗充乾饑小者父死不能哭大者賊來未知愁左攜右提入荒山吁嗟爾輩徒悠悠嗚呼七歌兮歌聲苦兩弟笑我淚如雨

敗木之屋照天破短籬無門誰能鎖夜黑有人叫虎來陰風滿山斂腥火嗟嗟虎來猶自可莫使人來將害我嗚呼八歌兮歌偏低惟恐聲出牆東西

奠高地厚秋復春何不容我草草身夜坐黃蒿惡雨溼啾啾冤鬼哭飛燐骷髏向人如拱揖此時胡爲不傷神嗚呼九歌兮歌轉塞可憐瘦面如土色

狄道州續志

卷十一

詩

三

蒼天生我旣殊眾胡不爲逢堯與舜自我解事亂至今車書何日復朝貢側身遙望帝王州不覺傷心成一慟嗚呼十歌兮歌已終山崩川竭恨無窮

遊五泉山

魏椿 邑貢生

面面奇峰紫翠連雲封谷口響飛泉垂楊影裏逢僧話噴瀑聲中抱石眠洗鉢恐驚松上鶴談元宜訪洞間仙何須蓬島尋佳境此處遊來信有緣

歲在著雍涪灘九秋登玉峰山

長白聯瑛 知州

重陽風雨曉來收若爲登高許勝游塵濁界中聊拔足玉峰山上且昂頭晴川遠瀉洮河水梵刹豪吟大漠秋行樂及時君記



取飄飄天地一沙鷗

和章曉先生遊玉峰山韻

前人

飛羣紺宇起巖巔知是人間幾洞天老衲禪安幽竇裏黃花節  
勵晚秋前締觀螺月莊嚴相聊結鴻泥香火緣喜到上方諸品  
靜厖喧翻厭樹邊泉

九日遊玉峰山

章德焜 湖南人

振衣直上玉峰巔古洞深幽別有天雲樹蒼茫秋色裡岡嵐起  
伏畫樓前山逢青眼呈佳致酒酌黃花滌俗緣醉後渾忘歸路  
遠笑攜老衲看冰泉

步筠嶼太尊登高元韻

前人

狄道州續志 卷十一 詩

三

塞上河山眼底收良辰聯步快同游自憐身世如雞肋敢卜功  
名並虎頭詩有少陵難着筆菊無元亮不成秋歸途祇見江邊  
月一曲高歌起宿鷗

永甯橋

張自鏡 邑貢生

湯湯洮水界西東賴有浮橋大道通十二松舟煥彩鷁一雙鐵  
纜繫長虹行人倒影魚驚散織女凌霄鵲駕同借問伊誰曾創  
始於今千載頌梁公

送友趙興庭赴峽城

王定欽 邑廩生

漫漫南行路故人不我顧遠望洮水濱隱隱幾株樹

詠張烈婦殉難

鄭廷蘭 邑庠生



大劫茫茫數難逃玉人碧血染蓬蒿而今姓氏留鄉土應慰幽魂到冥曹

題楊椒山

李鏡清邑拔貢

結何私怨竟成仇養賊恐遺君父憂聖主未能容兩疏先生已自有千秋芳名萬古狄人仰熱血一腔燕市留易水之西洮水北祠堂幾處祀吾侯

題雙忠祠

前人

同挾子房博浪錐擊之不中誓相隨藁街終掛世蕃首聊為椒山一展眉

題雙忠祠

陳希世邑舉人

狄道州續志

卷十一 詩

三

後先疏上刻巖高兩地之人義氣同力挽綱常存直道復仇不為椒山公

題椒山夫子

前人

當年臺閣豈無人致令君王殺諫臣姦罪誅心終悟主先生不愧古成仁

鳳臺月課同人留宿有感

前人

課考超然宿鳳臺前朝故事入胸懷疏爭市馬謀陰雨黨植仇鸞發霹靂夜月懷人依絳帳春風坐我上蒼臺層層桃李盈蹊徑盡是先生去後栽

詠雪

前人



朔風昨夜緊嚴寒吹變楓林萬樹丹疑是繁華天厭甚粉粧太  
百衍奇觀

遊玉井

前人

清來直到玉峰頭萬里河山入望收霧重樵疑天際至嵐翻鳥  
似鏡中浮松林雨過煙籠舍竹院風清月上樓洞裏仙人如再  
起問他化境幾生脩

江干牧

李鏡清

江干有叟傍江居披簑戴笠意似舒問叟何其安且逸半爲我  
談半聲叱自從司牧此江頭終歲憂樂隨半牛羣分三百犉九  
十幾飼野草渴飲流主人祇知牲畜蕃那管牧人事簡繁記取

秋遊州續志

卷之十一 詞

三

往歲遭旱潦遠近赤地無寸草此處况復通深林林中虎豹輒  
相侵兼來海外無名獸呼羣嘯侶遍宇宙彼來耽視此垂涎從  
此一年甚一年縱我日夕苦相守舍傳過客難持久同儔半去  
事漁樵負薪垂竿兩道遙哀我此中多顧慮不若棄置從此去  
回視牛犢與羊羔鞭尙未投聲嘶號我非好勞獨輕死受人寄  
託應如此優游自得是外觀誰知此中不得已

鴉鵲吟

劉培藜 邑貢生

君不見喜鵲巧且媚時來常報喜老鴉鷺且直時來將禍指豈  
不知福兮禍所依喜鵲結舌竟不語豈不知禍兮福所倚老鴉  
示人早知避如何世人好媚不好直聽得老鴉輒逐起吁嗟乎



社燕春鴻無時了惟有家雞常報曉  
枝頭好鳥是友聲喜鵲何多鴉何少

詠關帝廟天牙魚尾二石

張錫齡 庠生

帝君之廟何物大一石高於三尺外未許邇來塵埃侵卻將太古煙雲帶體直頂尖如牙形何嘗不是天所生天將啟齒齒墮地天老疑爲天有情吁嗟此石眞罕有不向凡間競好醜怪底問天天不言豈是天公也守口天牙石當天關而今屹立在帝前稽首石前石莫怪從古有幾米家顛

前題

王海瀾 邑庠生

君不見媧皇煉石曾補天神工鬼斧妙斡旋爐中燒出陰陽炭

狄道州續志

卷十一

詞

三

一碧隱隱渾如煙石破天驚石墮地上尖下方形狀異搔首問天天不言誰通彼蒼呼吸氣松崖詩老採古碑得此靈石遺神祠西園牟子亦好奇復將魚尾石配之魚尾天牙兩相向宛然肖出雌雄狀君不見千古望夫石一片一片癡情不可轉我願兩石各有靈昔未相遇今相親我願兩石萬古萬萬古常與造化同生生

思鄉

張理治 邑廩生

玉峰山畔是吾家遠去東南道路賒  
滄海經年猶戰鬥青山盡日戀煙霞  
謀生有術心徒壯換骨無丹髮早華  
惆悵鄉關何處是回頭西望暮雲遮



輓友樵宗世四兄

前人

國恥家仇欲兩全  
微身可舍義難捐  
此身不是生來壯  
要與人間作樣傳

誓掃回逆不戴天  
南安明月兩回圓  
大讐未報身先死  
贏得芳名萬古傳

經籍

舊志分經史子集四宗同治之亂盡燬於賊今僅存吳鎮松花菴全集張晉戒菴詩草陸芝田梨花吟館詩詞偶存三種亦係鈔本

狄道州續志

卷十一

詞

三

狄道州續志卷十一終



